

# Ymddiriedolaeth Elusennol Ynys Môn

## Cofnodion y cyfarfod a gynhaliwyd ar 15 Rhagfyr 2016

**PRESENNOL:** Victor Hughes (Cadeirydd)

R Dew, Jim Evans, Jeffrey M Evans, John Griffith, K P Hughes, Vaughan Hughes, Llinos Medi Huws, G O Jones, Richard Owain Jones, R.Meirion Jones, Alun W Mummery, Dylan Rees, J A Roberts, Nicola Roberts, P S Rogers , Alwyn Rowlands, Dafydd Rhys Thomas ac Ieuan Williams.

**WRTH LAW:** Ysgrifennydd,  
Trysorydd.

**Swyddogion o Gyngor Sir Ynys Môn (y cyfeirir atynt o hyn ymlaen wrth deitlau eu swyddi gyda CSYM)**

Rheolwr Gwasanaethau Cyfreithiol,  
Swyddog Pwyllgor (MEH).

**YMDDIHEURIADAU:** Lewis Davies, Ann Griffith, T LI Hughes, Carwyn Jones, H E Jones, R LI Jones ac R G Parry OBE

**HEFYD YN BRESENNOL:** Mr. William Colacicchi a Ms.Vicky Hair - Browne Jacobson LLP

### 1 DATGANIADAU O DDIDDORDEB

Ni dderbyniwyd unrhyw ddatganiadau o ddiddordeb.

### 2 COFNODION

Cadarnhawyd cofnodion y cyfarfod a gynhaliwyd ar 13 Medi, 2016 fel rhai cywir.

### 3 ADRODDIADAU GAN IS-BWYLLGORAU'R YMDDIRIEDOLAETH ELUSENNOL

- **Pwyllgor Grantiau Cyffredinol**

Cadarnhawyd cofnodion y cyfarfod o'r Pwyllgor Grantiau Cyffredinol a gynhaliwyd ar 13 Hydref, 2016 fel rhai cywir.

- **Pwyllgor Buddsoddi a Chontractau**

Cadarnhawyd cofnodion y cyfarfod o'r Pwyllgor Buddsoddi a Chontractau a gynhaliwyd ar 1 Tachwedd, 2016 fel rhai cywir.

#### **4 GRANTIAU MWY - ADRODDIAD AR GYNNYDD**

Cyflwynwyd - adroddiad diweddarau gan y Trysorydd ar y broses ymgeisio ar gyfer grantiau mwy.

Dywedodd y Trysorydd y dyfarnwyd pump o grantiau mawr yn ystod 2016/17 - Cwmni Frân Wen, Eisteddfod Genedlaethol 2017, Menter Iaith, Cymdeithas Cae Sioe Môn a Menter Gymdeithasol Llangefni. Nododd bod cytundebau grant ffurfiol wedi eu rhoi i Menter Iaith a Cwmni Frân Wen. Bu rhywfaint o lithriad yn y datblygiadau ynghylch y grant ar gyfer Cymdeithas Cae Sioe Môn, ond mae eu cyfreithwyr yn adolygu contract drafft ar hyn o bryd. Mae Menter Gymdeithasol Llangefni yn dal i aros am ganlyniad eu cais am arian Loteri ac ni fydd y contract yn cael ei gyhoeddi tan y cafwyd cadarnhad o'u cyllid cyfatebol. Ni chyhoeddir contract i Eisteddfod Genedlaethol 2017 tan yn nes at y digwyddiad yn 2017. Mae trefnwyr yr Eisteddfod wedi nodi y bydd newid bach yn sut y defnyddir y grant a ddyfarnwyd o gymharu â'r hyn a amlinellwyd yn y cais, a hynny oherwydd eu bod wedi cyrraedd y targed ar gyfer cronfeydd lleol. Mae'r Eisteddfod yn awr yn bwriadu defnyddio mwy o'r grant fel nawdd corfforaethol gyda'r Ymddiriedolaeth yn noddi'r Eisteddfod ar y dydd Sadwrn a'r dydd Sul agoriadol. Bydd yr arian hwn yn caniatáu ar gyfer gostwng prisiau mynediad ar gyfer y ddau ddiwrnod er mwyn rhoi cyfle i'r cyhoedd fynychu am bris gostyngol.

Mae cyllideb o £350k wedi'i neilltuo ar gyfer 2017/18 i grantiau mawr ac fe lanswyd y broses ymgeisio ym mis Tachwedd gyda dyddiad cau o 6 Ionawr 2017 ar gyfer cyflwyno ceisiadau.

Dywedodd y Trysorydd ymhellach yr amcangyfrifwyd ar 30 Tachwedd, 2016 y bydd yr Incwm Buddsoddi ar gyfer 2016/17 yn £640,358.48. Mae hyn yn seiliedig ar Adroddiad Datganiad Asedau gan Fanc HSBC a'r ffigur hwn yw'r gyllideb y rhagwelir y bydd hi ar gael i ddyrannu grantiau i Sefydliadau Gwirfoddol yn 2017/18.

**PENDERFYNWYD derbyn yr adroddiad.**

#### **5 CAU ALLAN Y WASG A'R CYHOEDD**

**PENDERFYNWYD mabwysiadu'r canlynol: -**

**"Dan Adran 100 (A) (4) Deddf Llywodraeth Leol 1972, cau allan y wasg a'r cyhoedd allan o'r cyfarfod yn ystod y drafodaeth ar yr eitem ganlynol gan y gallai olygu datgelu gwybodaeth eithriedig fel y'i diffinnir yn Atodlen 12A (Categori 16) o'r Ddeddf honno. "**

#### **6 ADOLYGIAD O DREFNIADAU LLYWODRAETHIANT YMDDIRIEDOLAETH ELUSENNOL YNYS MÔN**

Cyflwynwyd - adroddiad gan yr Ysgrifennydd mewn perthynas ag opsiynau ar gyfer y Sefydliad Corfforedig Elusennol (SCE) y penderfynodd Ymddiriedolaeth Elusennol Ynys Môn, yn ei gyfarfod ar 13 Medi 2016, y dylid ei ffurfio.

Cafodd aelodau'r Ymddiriedolaeth Elusennol gyflwyniad gan gynrychiolwyr o Browne Jacobson ar fanylion penodol, opsiynau a chyngor cyfreithiol mewn perthynas â ffurfio

SCE. Trafododd yr Ymddiriedolaeth y Cyfansoddiad Enghreifftiol ar gyfer SCE sef y Model 'Sylfaen' a'r Model 'Cyswllt'.

**PENDERFYNWYD: -**

- **Bod Ymddiriedolaeth Elusennol Ynys Môn yn ffurfio Sefydliad Corfforedig Elusennol (SCE) Cyswllt ac yn newid i fod yn SCE o'r fath ac yn cymryd yr holl gamau angenrheidiol i weithredu'r penderfyniad hwnnw;**
- **Bod Ymddiriedolaeth Elusennol Ynys Môn yn mabwysiadu'r argymhellion canlynol wrth sefydlu Sefydliad Corfforedig Elusennol Cyswllt: -**
  - **Bod yr SCE Cyswllt, yn y lle cyntaf, yn cynnwys Aelodau a Chyfarwyddwyr a byddant yr un bobl a bydd pob un ohonynt yn aelodau etholedig o Gyngor Sir Ynys Môn ( 'Aelodau Etholedig);**
  - **Bydd enw'r Ymddiriedolaeth yn ddwyieithog (gyda'r enw Cymraeg yn gyntaf) a'r enw Saesneg wedyn, sef Cymdeithas Elusennol Ynys Môn / Isle of Anglesey Charitable Association;**
  - **Bydd amcanion elusennol y Gymdeithas Ymddiriedolaeth Elusennol newydd yn aros fel y maent ar hyn o bryd;**
  - **Ni fydd unrhyw atebolrwydd ar aelodau o'r Gymdeithas Ymddiriedolaeth Elusennol pe bai'r Gymdeithas yn dod i ben;**
  - **Bydd gan y Gymdeithas Ymddiriedolaeth Elusennol un categori o aelodau ond bydd ganddi rym i ymestyn yr aelodaeth i 'gyfeillion heb bleidlais' ar ryw adeg yn y dyfodol;**
  - **Y Cworwm ar gyfer cyfarfodydd o'r aelodau o'r Gymdeithas Ymddiriedolaeth Elusennol fydd 5% o'r aelodaeth;**
  - **Bydd gan Gadeirydd cyfarfod yr aelodau o'r Gymdeithas Ymddiriedolaeth Elusennol bleidlais fwrw os bydd nifer y pleidleisiau a gafodd eu bwrw mewn cyfarfod o'r fath yn gyfartal;**
  - **Yr isafswm oed i fod yn ymddiriedolwr fydd 16;**
  - **Isafswm nifer yr ymddiriedolwyr fydd 3;**
  - **Ni fydd uchafswm ar gyfer nifer yr ymddiriedolwyr;**
  - **Bod yr holl Ymddiriedolwyr ar adeg sefydlu'r Gymdeithas Ymddiriedolaeth Elusennol yn Aelodau Etholedig;**
  - **Bod 2 Ymddiriedolwr Annibynnol;**
  - **Mai'r cworwm ar gyfer cyfarfodydd o'r Ymddiriedolwyr fydd 5;**
  - **I'r graddau y bydd y gyfraith yn caniatáu, bydd yr Ymddiriedolwyr yn aelodau etholedig sy'n cynrychioli wardiau etholiadol Ynys Môn;**
  - **Bydd Ymddiriedolwyr newydd yn cael eu penodi gan yr Ymddiriedolwyr cyfredol;**
  - **Bydd cyfnodau swydd yr Ymddiriedolwyr yr un fath â chyfnodau swydd yr Aelodau Etholedig;**
  - **Bydd cyfnodau swydd yr Ymddiriedolwyr Annibynnol yn 3 blynedd a gallant wasanaethu am unrhyw nifer o gyfnodau ar yr amod nad ydynt yn gwasanaethu am ragor na 2 gyfnod yn olynol;**
  - **Rhoddir awdurdod i Aelodau o'r Gymdeithas Ymddiriedolaeth Elusennol ddiswyddo Ymddiriedolwr o'r Gymdeithas;**
  - **Bydd gan Gadeirydd y cyfarfod o Gyfarwyddwyr y Gymdeithas Ymddiriedolaeth Elusennol bleidlais fwrw os bydd nifer y pleidleisiau a gafodd eu bwrw mewn unrhyw gyfarfod o'r fath yn gyfartal;**

- **Bod awdurdod dirprwyedig yn cael ei roi i Ysgrifennydd yr Ymddiriedolaeth mewn perthynas â'r holl bwerau, hawliau a swyddogaethau gwneud penderfyniadau eraill ar ran Ymddiriedolaeth Elusennol Ynys Môn er mwyn sicrhau'r trawsnewid i fod yn SCE Cyswllt - gan gynnwys unrhyw benderfyniad ar fater ategol neu atodol ar ran Ymddiriedolaeth Elusennol Ynys Môn. Gall Ysgrifennydd yr Ymddiriedolaeth ymgynghori hefyd gydag aelodau o'r Panel a sefydlwyd o aelodau etholedig a chyda Swyddogion o'i ddewis cyn ymarfer unrhyw hawliau, pwerau neu swyddogaethau o'r fath.**

**Mr. T. Victor Hughes  
Cadeirydd**

